

**Eich cyf / Your ref:** **Gofynner am / Please ask for:** Gareth Morgans  
**Fy nghyf / My ref:** **Llinell Uniongyrchol / Direct Line:** 01267 246522  
**Dyddiad / Date:** 25-03-22 **E-bost / E-mail:** [CwestiwnECS@sirgar.gov.uk](mailto:CwestiwnECS@sirgar.gov.uk) / [QuestionECS@carmarthenshire.gov.uk](mailto:QuestionECS@carmarthenshire.gov.uk)

Annwyl Riant / Gwarcheidwad,

Hoffwn roi diweddariad byr ichi yn dilyn adolygiad tair wythnos Llywodraeth Cymru o'r rheoliadau coronafeirws a'r hyn y mae hynny'n ei olygu i'n hysgolion.

Mae Llywodraeth Cymru wedi cadarnhau y bydd y canllawiau presennol ar gyfer ysgolion yn parhau tan wyliau'r Pasg, sy'n golygu nad oes unrhyw newidiadau i'r trefniadau presennol yn ein hysgolion am y tro.

Yn anffodus, rydym yn parhau i weld nifer uchel o achosion o COVID-19 mewn cymunedau yn Sir Gaerfyrddin a ledled Cymru, ac mae hyn yn parhau i gael effaith ar ein hysgolion.

Mae'r sefyllfa bresennol yn rhoi pwysau ychwanegol ar ein hysgolion sy'n gweithio'n galed i sicrhau y gall dysgu wyneb yn wyneb barhau cyn belled ag y bo modd, er gwaethaf prinder staff mewn rhai ardaloedd, a hoffwn ddiolch iddynt am bopeth y maent yn ei wneud.

Mae'r fframwaith penderfyniadau rheoli heintiau COVID-19 lleol ar gyfer ysgolion yn nodi trefniadau ynghylch darparu dysgu mewn ysgolion ac yn ein galluogi i addasu ymyriadau i adlewyrchu risgiau ac amgylchiadau lleol.

Oherwydd y nifer uchel o achosion, rydym yn parhau i weithredu ar lefel GYMHEDROL, sy'n cael ei hadolygu'n wythnosol.

Er mwyn ein helpu i gadw ein hysgolion yn ddiogel a lleihau'r risg o ledaenu'r haint, gofynnir ichi barhau i wisgo gorchudd wyneb a chadw pellter cyn belled ag y bo modd wrth ollwng / casglu eich plentyn o'r ysgol.

Mae gorchuddion wyneb hefyd yn ofynnol mewn ysgolion uwchradd ac ar gyfer trafndiaeth gyhoeddus

Mae yn bwysig ein bod yn parhau i olchi ein dwylo'n rheolaidd a chael y brechlyn pan gaiff ei gynnig.

Cofiwch, os oes gan eich plentyn unrhyw un o'r tri symptom allweddol, peidiwch ag anfon eich plentyn i'r ysgol a threfnwch brawf. Bydd yr holl safleoedd profi PCR yn cau ar 31 Mawrth ac ar ôl y dyddiad hwn cynghorir pobl i gymryd prawf llif unffordd os oes ganddynt symptomau.

Dylech hefyd fod yn ymwybodol o symptomau eraill yn gynnar, fel pen tost, blinder a phoenau cyffredinol sy'n gysylltiedig â'r fflw fel arfer. Os yw eich plentyn yn sâl, byddem yn eich annog i beidio â'i anfon i'r ysgol nes ei fod yn well.

Bydd y camau syml hyn yn helpu i'n diogelu rhag coronafeirws, yn ogystal ag afiechydon anadlol cyffredin eraill.

**Gareth Morgans, BAdd/BEd; MGw/MSc**

Cyfarwyddwr Addysg a Gwasanaethau Plant,  
Neuadd y Sir, Gaerfyrddin, Sir Gaerfyrddin SA31 1JP  
Director of Education & Children's Services,  
County Hall, Carmarthen, Carmarthenshire SA31 1JP



BUDDSODDWYR | INVESTORS  
MEWN POBL | IN PEOPLE

Mae croeso i chi gysylltu â mi yn y Gymraeg neu'r Saesneg

You are welcome to contact me in Welsh or English

Rydym yn gwybod bod y ddwy flynedd ddiwethaf wedi amharu'n fawr ar bawb ac rydym am gadw eich plentyn yn yr ysgol gymaint â phosibl, ond rydym hefyd am gadw ein hysgolion a'n cymunedau'n ddiogel rhag effeithiau COVID-19.

Byddwn yn darparu rhagor o wybodaeth am y sefyllfa yn dilyn gwyliau'r Pasg cyn gynted ag y gallwn.

Diolch ichi am eich cefnogaeth a'ch cydweithrediad,

*Gareth Morgans*

**Gareth Morgans, BAdd/BEed; MGw/MSc**

Cyfarwyddwr Addysg a Gwasanaethau Plant,  
Neuadd y Sir, Gaerfyrddin, Sir Gaerfyrddin SA31 1JP  
Director of Education & Children's Services,  
County Hall, Carmarthen, Carmarthenshire SA31 1JP



BUDDSODDWYR | INVESTORS  
MEWN POBL | IN PEOPLE

Mae croeso i chi gysylltu â mi yn y Gymraeg neu'r Saesneg

You are welcome to contact me in Welsh or English